

Headlines

1. मुख्यमंत्री उमर अब्दुल्ला होरें आखेआ जे कश्मीर च लोक परती-परतियै औन, एह्दे लेई सहासिक सैलसफा महत्वै आली भूमका नभाई सकदा ऐ।
2. मुख्यमंत्री होरें श्रीनगर च केई सारे प्रतिनिधिमंडलें कन्नै मलाटी कीती।
3. राणा होरें जम्मू कश्मीर च जनजातीय लोकें दे कल्याण सरबंधी जतनें दा जायजा लैता, उनें मैह्कमे बश्कार तालमेल पर जोर पाया।
4. मुख्य सचिव अटल डुल्लू होरें एबीडीएम तैह्त् 100 डिजीटल हैल्थ रिकार्ड पर जोर दिक्ता।
5. जम्मू दे भगवती नगर आले आधार शिविर थमां 6 ज्हार 388 श्रद्धालुएं दा इक होर जत्था श्री अमरनाथ जी दी यात्रा लेई रवाना होआ।

<><><><><><>

CM Tourism(byte)

मुख्यमंत्री उमर अब्दुल्ला होरें आखेआ ऐ जे सैलानिएं गी कश्मीर च परती-परतियै औने लेई एह् जरूरी ऐ जे उनें हर गी हर बारी किश नमां ते तरोताजा करने लेई थ्दोए। एह्दे च साहसिक सैलसफा महत्व आली भूमका नभाई सकदा ऐ। ओह् श्रीनगर च बिजली दी बंड सरबंधी केपीडीसीएल दे एमडी महमूद ए.शा हुंद आस्सेआ लिखी दी कताब वैली ऑफ जम्मू कश्मीर A tribute to the soul of Jammu & Kashmir दा विमोचन करा'रदे हे। इलाके दे एतिहासक रस्ते दे संरक्षण ते बढ़ावा देने दा आह्वान करदे होई उनें आखेआ जे एह् रस्ते छड़ा जम्मू गी कश्मीर ते कश्मीर गी लद्दाख कन्ने जोड़ने आले रस्ते नेई सगुआं एह् रिवायती ते निरंतर सैलसफा दे सांस्कृतिक रस्ते बी हैन। इस मौके पर उनें आखेआबाईट

<><><><><><>

CM-Rabta

मुख्यमंत्री उमर अब्दुल्ला होरें लोकें तगर पुज्ज बनाने सरबंधी कार्यक्रम राबाता तैह्त् केई सारे प्रतिनिधिमंडलें कन्ने मलाटी कीती। करिगल दे चीफ एक्जीक्यूटिव कौंसलर डॉ. एम.जे.अखनून हुंदी अगुवाई च इक प्रतिनिधिमंडल नै मुख्यमंत्री हुंदे कन्नै मलाटी कीती ते जम्मू कश्मीर दी बक्ख-बक्ख थाहरें पढ़ा'रदे विद्यार्थिएं गी दरपेश मुश्कलें परेशानिएं कन्नै उनेंगी अवगत करोआया। बाबा गुलाम शा बादशाह यूनिवर्सिटी राजौरी दे वाइस चांदसलर प्रो. जावेद इकबाल होरें गी मुख्यमंत्री हुंदे कन्ने मलाटी कीती ते यूनिवर्सिटी दे कम्मकाज बारे दस्सेआ। एनसीसी श्रीनगर थमां ब्रिगेडियर दीपक साजन हार होरें बी उंदे कन्नै मलाटी कीती ते इक ममैटो उनेंगी भेंट कीता। मगरा ट्रैवल एजेंट्स एसोसिएशन ऑफ इंडिया दे चेप्टर दे चेयरमैन होरें बी मुख्यमंत्री हुंदे कन्नै मलाटी कीती।

<><><><><><>

Rana Tribals

जनजातीय मामले दे मंत्री जावदे अहमद राणा होरें बक्ख-बक्ख मैह्कमे दे सचिवें गी आखेआ ऐ जे ओह् जनजातीय इलाकें च महत्वै आले ढांचागत प्रोजेक्टें दी अमलावरी आस्तै कारगर ते बेह्तर ढंगै सिर राबता कायम करन तां जे सारे कम्म तेजिया कन्नै होइ सकन। श्रीनगर आले सिविल सचिवालय च लग्गी दी मैह्कमे दी बैठक चजनजातीय समुदाय दे सशक्तिकरण लेई जतनें बारे जायजा लैता गेआ। मंत्री होरें आखेआ जे पिछड़े दे वर्ग ते दबोए लतड़ोए दे समुदाय गी उबड़ा चुक्कना साढ़ी सारें गी सांझी जिम्मेदारी ऐ। बैठक दा मकसद जनजातीय समुदाय दे कल्याण सरबंधी जतनें गी तेज रफ्तार कन्नै अमल च आनना ते चला'रदी सरबंधी परियोजना दा जायजा लैता हा। राणा होरें जोर देइयै आखेआ जे उमर अब्दुल्ला हुंदी अगुवाई आली सरकार विकास समाजी न्याह् खास करी जनजातीय आबादी दे पूरे पराते विकास लेई वचनबद्ध ऐ।

<><><><><><>

DC Rajouri

राजौरी दे डिप्टी कमीशनर अभिषेक शर्मा होरें नौशेहरा च इक बैठक लाइयै ब्रिगेडियर मोहम्मद उसमान हुंदी जयंति दी तैआरिएं ते गतिविधिएं सरबंधी योजनाएं दा जायजा लैता। एह्दे इलावा उलें सरेआ ग्रां च वाइब्रेंट विलेज प्रोग्राम गेड़ 2 दी बी शुरूआत कीती। डिप्टी कमीशनर होरें ब्रिगेडियर उसमान हुंदी विरासत दि दा सम्मान करने पर जोर पाया। ब्रिगेडियर उसमान होरें मुल्येंदी राख्खीते हिफाजत लेई अपनी जिंदु दा बलिदान दित्ता हा। डिप्टी कमीशनर होरें सांस्कृतिक प्रोग्रामें दा सरिस्ता करने पर बी जोर पाया तां जे मकामी विरासत हुनर ते देशभक्ति दी भावना गी बढ़ावा थोई सकै।

<><><><><><>

Bhajan Sandya

अपनी सलाना परम्परा गी जारी रखदे होई जम्मू दे प्राचीन ते प्रसिद्ध पंजवख्तर महादेव मंदर नै सावन महोत्सव 2025 दे हिस्से दे तौरा पर पवित्र म्हीने सौन दे शुरू होने पर इक भजन संध्या दा आयोजन कीता। मन्ने परमन्ने दे गायक धर्मेश नरगोत्रा ते पंकज प्रधान होरें आध्यात्मिक भजनें दी प्रस्तुति दित्ती। डॉ. प्रिया दत्ता हुदं मार्गदर्शन कृतिका दत्त ते उंदी टीम नै कथक नृत्य दी इक शानदार प्रस्तुति दित्ती। मौसम दी शुरूआत पंतबख्तर महादेव वेद पाठशाला दे नमें विद्यार्थिओं आस्सेआ गणेश वंदना कन्नै होई जेह्दे मगरा उनें पवित्र वैदिक मंत्रें दा उच्चारण बी कीता।

<><><><><><>

Binia Pahlwan

जम्मू कश्मीर पुलस दे बिनिया पहलवाननै अमरीका च खेड़डी गई विश्व पुलस खेड़डां 2025 च कुश्ती च सुन्ने दा तगमा जित्तिथै राज्य गी गौरवाधित कीता ऐ। दुनिया भरै थमां आए दे सिरे दे पहलवानें खलाफ मकाबला करदे होई बिनिया पहलवान लै अपने समर्पण ते कड़ी मेहनत दी बदोलत एह् उपलब्धि हासल करदे होई पुलस बल ते जम्मू कश्मीर लेई खतापी आन्नी ऐ। बिनिया पहलवान उधमपुर जिले दे दूर दराज इलाके दा रौहने आला ऐ। उधमपुर पुज्जने पर हुंदा जबरदस्त सुआगत कीता गेआ। उनें आखेआ जे एह् मौका मेरे जिले ते केन्द्र शासत प्रदेश जम्मू कश्मीर दौनें लेई गर्व करने आला पल ऐ। उनें आखेआ.....बाईट

<><><><><><>

CS-ABDM

मुख्य सचिव अटल डुल्लू होरें श्रीनगर च इक बैठक लाइयै आयुष्मान भारत डिजीटल मिशन दी अमलावरी दा जायजा लैता। इस दरान मुख्य करी ध्यान सेहत सरबंधी दिक्खभाल आले आंकड़े ते डिजीटल सेवाएं पर दित्ता गेआ। इस भेठा चला'रदे जतनें दा जायजा लैंदे होई मुख्य सचिव होरें मरीजें दे सेहत सरबंधी रिकार्ड आयुष्मान भारत सेहत खाता यानि आभा आईडी कन्नै जोड़ने लेई आखेआ। उनें आखेआ जे एह् कम्म बिजन होर चिर लगे दे तौले पूरा कीता जाना लोड़चदा। उनें सेहत, एबीडीएम ते एचएमआईएस पोर्टल गी आपूं चै जोड़ने लेई आखेआ।

<><><><><><>

CS-ONDC

डिजीटल एकीकरण राएं लौहके बपारिएं दी प्रगति गी होर बधाने लेई मुख्य सचिव अटल डुल्लू होरें कल श्रीनगर च ओपन नैटवर्क फॉर डिजीटल कामर्स ओएनडीसी दे मुख्य कार्यकारी अधिकारी कन्नै इक उच्च स्तरीय बैठक लाई तां जे जम्मू कश्मीर च ई-कामर्स गी बढ़ावा देने लेई ओएनडीसी मंच दा फायदा चुक्कदे होई नमें मौके तलाश कीते जाई सकन। गल्लबात दरान मुख्य सचिव होरें मकामी अर्थबवस्था गी तगड़ा करने ते रोजगार कमाने दे नमें मौके बनाने च डिजीटल मंच दी बड़ी मती संभावना पर जोर दित्ता।

<><><><><><>

Amarnath Yatra

जम्मू दे भगवती नगर आले आधार शिविर थमां 6 जहार 388 श्रद्धालुएं दा 14मां जत्था सख्म सुरक्षा बंदोबस्तें हेठ श्री अमरनाथ जी दी यात्रा लेई घाटी आस्तै रवाना होआ। एह् जत्था 248 गड्डिएं दे काफले च सोआर होइयै अगड़ी यात्रा लेई रवाना होआ। ठस् ज्तज्ञै च 4 जहार 886 मर्द, 1 जहार 308 महिला, 15 बच्चे, 158 साधु ते 21 साध्वियां शामिल न। अज्ज

रवाना होए दे जत्थे गी 2 ज्हार 501 श्रद्धालु बालटाल लेई ते 3 ज्हार 887 पहलगाम लेई रवाना होए। जित्थुआं ओह् अपनी अगड़ी यात्रा लेई रवाना होंगन।

<><><><><><>

DC Kishtwar

जिला आयुक्त पंकज कुमार शर्मा होरें जिले च तम्बाकू दे नियंत्रण सरबंधी राष्ट्रीय प्रोग्राम एनटीसीपी दी अमलावरी दा जायजा लेने लेई कल जिला स्तरीय तालमेल कमेटी डीएलसीसी दी बैठक लाई। बैठक च स्कूलें ते समुदायें च सूचना, शिक्षा ते संचार सरबंधी आईईसी अभियान गी होर तगड़ा करदे होई ठोस गैह् पुट्टने पर जोर दित्ता गेआ जेह्दे च शिक्षा संस्थानें गी तम्बाकू मुक्त शिक्षा संस्थान घोषत करना बी शामिल ऐ। जिला आयुक्त होरें श्री मचेल माता यात्रा गी बी तम्बाकू मुक्त क्षेत्र घोषत कीता ऐ जिस सरबंधे च अधिसूचना तौले गै जारी कीती जाग। जिला आयुक्त दे फैसले दा सुआगत करदे होई आम नागरिक आशीष राठौर होरें आखेआ.....बाईट

<><><><><><>